

西莊始存稿卷六

古今詩 涉江集

十二月二十六日辭家

歲暮遊子歸我反離庭闈上堂別二親肅拜還整  
衣弱妻抱穉女相送臨門扉無語語先咽有淚淚  
暗揮欲行心自傷欲留腹苦饑瘦馬怯上坡倦鳥  
慵孤飛寒天催短景日淡無晶輝出門屢回顧漸  
覺樹影微丈夫不得志去住與願違萬族各有托  
我今將何依

除夕泊許墅

三十明朝是羈懷觸緒增雪中孤客路蓬底隔年  
燈攬鬢愁無那當杯淚不勝辛盤兒女會爲話旅  
人曾

渡江

漂零獻歲更南征擊楫初過第一程吳楚風煙愁  
遠夢江湖浩蕩寄勞生中流翠滴三山色東去波  
沉六代聲歷歷川途渺何極沙邊慚愧白鷗輕

舟中立春

登盤細菜簇青絲坐對芳樽感歲時波浪天邊隨  
客遠風光帆底見春遲吳山的的如相送楚塞迢

迢祇自悲回憶江村梅柳放鶯花取次動離思

贈戴綸長時同舟入楚

松竹風姿鶴性情相逢歲晚共長征寒江泊處同  
轟飲雪夜談時對短檠拋卻告身漁具在編來小  
集格詩成剡源他日論耆舊郭北溪南合主盟

和李受之秀才韻

客行向楚澤遙夜動吳吟共有涉江感因知怨別  
深望雲當落日聽鳥辨春林明發啼猿滿煙濤空  
我心

旅感

十年飄轉倦登樓重理征衣寄薄遊殘歲辭家隨  
斷雁大江積雪上孤舟夢中涕淚違親舍天際雲  
山引客愁到日晴川添悵望萋萋芳草滿汀洲

天門

白浪天門斷千崖杳莫攀登艫一長嘯遙見謝公  
山我欲浮湘去行吟楚澤間今宵對明月把酒慰  
離顏

牛渚

牛渚西江下青天桂席來依然明月夜不見謫仙  
才清露霑衣久驚鳥繞樹迴思鄉更懷古悵望迴

堪哀

然犀亭

空亭蕭颯荻花秋  
躡屐登臨豁遠眸  
日落倒窺巖洞黑  
崖傾猶見鬼神愁  
然犀赤幘驚牛渚  
灑泣黃旗向石頭  
爲問過江誰第一  
漫將人物數名流

縱陽懷古

縱陽何處射蛟臺  
漢帝樓船此地來  
來望祀還臨天柱遠  
浮江直向盛唐迴  
珠簾甲帳神君至  
首著蒲桃別館裁  
今日茂陵空寂寞  
秋風搖落不勝哀

過馬當

牛渚西來峭壁張  
驚心如馬戒舟航  
風顛雨急衝波沸  
鼉作鯨吞巨石妨  
自昔神靈傳躍鯉  
幾人行止憶垂堂  
何須灩澦瀨孤根  
沒一水牽愁萬里長

望江縣道中作

西指柴桑波路賒  
汀洲葭亂浩無涯  
雲濤忽迷大雷岸  
客夢遠繞長風沙  
節物牽愁驚歲序  
關河入望少煙花  
檣烏渚燕空情思  
倚棹微吟倍憶家

江行雜詩六首

三山隱見蔽高岑  
采石橫江天塹陰  
正是客心淒斷處  
誰家長笛起龍吟

雁渚楓林趣放舟吳津博望鎖洪流行人指點紅  
霞外謝朓青山李白樓

雲際蛾眉疊翠屏楚江浩渺浪花青亂山兩岸天  
門斷葉葉風帆破杳冥

蟪蛄磯西去返秦磯荻港纔過又藉圻齊聽榜人竹  
枝曲沙明水碧雨霏霏

潮至尋陽更不迴馬當峭壁倚天開遙看十丈浪  
頭白愁殺南船上水來

楊葉洲邊雨似煙梅根冶外浪連天那堪愁水愁  
風夜秋浦猿聲到客船

小孤山下作

解纜溯層波夕宿逗沙岸亭亭見孤峰獨秀中流  
半陽崖倚巉巖陰岫屢回換半嶺微徑分參差更  
堪翫離離青松陰歷歷白石粲樓臺相蔽虧金碧  
窮照爛氛氲嵐彩明杳靄霞氣亂髣髴神靈雨東  
風一飄散湘妃出鼓舞漢女時游衍光景未易逢  
解珮徒深願悵然遲暮心重起越鄉歎

過彭蠡湖口

理棹始陽和結荷宿波路三江歷潏泱五洲緬洄  
溯陽鳥得攸居我行不遑處睠茲彭湖口東匯衆



流注披襟欣昭曠  
晞髮感遲暮  
春華曖澤蘭  
夕霏翳汀樹  
噉噉哀猿鳴  
歷歷翔鷗聚  
石鏡疊垠堦  
香爐對煙霧  
目接心成賞  
情遷境非故  
亮乏子春興  
頗抱呂梁懼  
矧復緇鬢改  
徒傷曜靈驚  
廬霍有夙期  
繕性從所務

雨過彭澤

遠火楓林岸  
滄江暮雨時  
煙昏帆影滅  
雲合鳥飛遲  
粟里存高躅  
柴桑起夢思  
秫田如可種  
我欲問茅茨

九江舟中

渺渺潯陽煙樹齊蕭蕭湓口雁行低  
長江九派東流去何事孤舟獨向西

湓城

湓城江岸對斜曛煙樹縈紆入楚雲  
歷歷帆檣迷極浦蕭蕭鴻雁感離羣  
天邊積水岨嶸下鏡裏芳洲烏白分  
秀色芙蓉如可攬便思汗漫問匡君

九江舟中望廬山

昔有釣龍子遁跡匡廬巔手攀桂樹  
飲瓊液層城揮錫時騰騫茲山乃是  
列仙館穹崖上與丹霄連石門遙引  
虎谿勝圓闕秀裊香爐煙我欲南遊  
訪

衡霍泊舟遠向潯陽郭坐聽東林日暮鐘金光黛  
色空中落屏風九疊嵐翠濃宮亭倒影青芙蓉東  
南削出五老峰霞梯路斷莓苔封飛梁裊裊垂綵  
虹驚湍直下萬仞壁雪瀑亂灑千年松爲報廬山  
君便作廬山客長嘯入巖扃援琴坐盤石一臥康  
王谷口雲好修淨業謝人羣茹芝採菊我生事世  
上浮名安足論

即目

霽曉江光雪練鋪氛氲紫氣對香爐灌嬰古井潮  
痕動直到分流左蠡湖

琵琶亭

黃蘆苦竹夕陽斜  
獨傍荒亭繫短槎  
遠客青衫先自濕  
不須商婦訴琵琶

行次齊安暫寓江濱小閣

作客猶無定  
登樓信可悲  
飄飄逢雨雪  
草草得樓遲  
詞賦遊梁賤  
衣冠適越疑  
思鄉雙淚眼  
日暮倚闌時

鄂渚寄家人

楚樹吳雲別路遙  
樊山夏口送征橈  
淚痕欲向東流寄  
分付潯陽上下潮

寓舍春日雜題六首

江館蕭寥鶯語頻  
天涯草樹一番新  
辭家回首纔  
三月眼底驚非故國春

六枳編成池上籬  
小桃勻注淡胭脂  
朝來幾點催  
花雨愁到春寒病酒時

迢迢繡陌趁初晴  
新燕參差宿蝶輕  
鬪草踏青兒  
女路風光容易到清明

鏡裏芳洲杜若香  
楚山杳靄楚天長  
衡陽回雁無  
消息漫寫家書細作行

輕塵短夢試重論  
檢點春衫浣酒痕  
不用登樓頻

西莊始存稿

卷六

七

望遠武昌楊柳最銷魂

嫩雨柔絲逼禁煙東風花外冷啼鶉逢春莫怪添  
惆悵潘鬢今年異去年

憶兒女

苦憶嬌兒女纔逾學語年畫眉明鏡曉騎竹草堂  
顛離別愁渠小聰明得母憐攜家何日遂舊隱鹿  
門邊

懷鄉

客舍千山隔江鄉八口貧麻鞋長道路橡實度艱  
辛去雁書難達東風草又新何人共饑渴顧影獨

霑巾

旅興三首

一葉長風溯上游  
落帆黃鶴獨登樓  
千絲柳色迷江介  
八字山形繞鄂州  
漫擬依劉餘涕淚  
空憐弔屈感離憂  
懷中名刺今磨滅  
漂泊重來鸚鵡洲  
迢迢郢路古今情  
夏首西浮更遠征  
三戶遺墟春草碧  
六朝舊事暮江平  
米船誰遣迎溫嶠  
羽扇還須藉顧榮  
幾許興亡猶在眼  
漢南雲樹喚愁生  
大別山前落照頻  
南樓清景漫重論  
蘆中問渡真窮士  
漢上題襟少故人  
渺渺晴雲千里路  
匆匆歸

雁一年春秦川公子哀無限  
偶到登臨便愴神

春感

江南歸計尚遲遲  
三楚煙花恨別離  
少婦登樓撫  
瑤瑟西洲芳草斷腸時

寄錢曉徵曹來殷家琴德諸子二首

經年未得故人書  
望斷江流西上魚  
黃鶴樓頭春色滿  
煙波天際渺愁余

銅坑銅井菴東西  
此日梅花萬樹迷  
料得清吟香雪裏  
扁舟同繫虎山溪

寄家鳳喈三首

青浦

王昶琴德



分攜當歲暮雨雪滿關津忽見東風轉江梅又  
早春音書愁遠道樽酒憶蕭晨何日謀棲隱羊  
求結比鄰

天際碧雲合瀟湘春雁飛知君官閣裏終日對  
清暉漢上詩篇好襄陽耆舊稀東風芳杜若悵  
望挂帆歸

君家練水上雲木迴清虛我亦居三泖煙波足  
釣魚耦耕知未得作客竟何如睽念瑤華至臨  
風一起予

武昌客舍醉歌

桂席乘風來夏口千里江山落我手登盤且食武昌魚開簾况對宜城酒酒闌拔劍悲茫茫憑高落日懷故鄉南樓明月自清夜西門楊柳堪斷腸憶昔仙人駕黃鶴白雲一去翔寥廓楚王臺榭亦已蕪晴川芳樹還如昨世間萬事何有哉不飲空復令心哀春風吹花落如霰狂歌醉舞傾金罍只今生事仍羈旅漢水東流我西去鳳凰山北多浮嵐鸚鵡洲邊逢暮雨遙望荆雲蔽遠岑煙波江上獨愁心試將岐路楊朱淚寫入天涯莊舄吟

江行

沙岸明夕陽楚江歇微雨時聞遠寺鐘不辨煙村  
樹白鷺背人飛銜魚自來去

漢口

錦石清江望渺瀰開襟蘋末動涼颺千家樓影煙  
中見半嶺嵐光鏡裏移漢女弄珠無限意湘靈鼓  
瑟至今悲誰憐繡被熏香夜青翰舟中空所思

辛未五月二十一日三十初度在漢陽作  
是年閏五月

彈指韶華逐逝風匆匆及壯尚飄蓬生涯已付竿  
三尺舊宅閑拋地百弓卻怪黃楊逢閏歲祇疑磨

竭住身宮人間榮利非吾事只合垂名野錄中

泊船曲

巨纜如鐵索長篙如竹林狂風空作劇船未到波  
心

秋風引

秋風一何怒吹折江頭樹寒衣猶未成風莫向郎  
處

自君之出矣二首

自君之出矣流塵暗玉階微風羅幕動髣髴見君

開

自君之出矣晚妝添翠鈿恐君夢中遇索我舊時  
妍

秋感二首

江近涼風早樓高野色閑秋聲先在樹雲氣不歸  
山雄劔封塵匣新霜點鬢斑蕭晨感淒緊獨坐憶  
鄉關

節改齊紈扇寒催楚戶砧散花晴峽遠卻月故城  
深墜葉滿空砌亂蛩多苦音高臺添客淚落日廢  
登臨

舟中偶作

吳歛嫋嫋竹枝聲楚火迢迢兩岸明  
衣上曉露湏口雨船頭秋繞漢陽城  
雁鴻嘹唳涼初透楓相丹黃露乍盈  
顛顛關河爲客久西風搔首不勝情

過蘄州

暮雨過蘄州蕭蕭笛竹秋雲中下漁艇煙外隱  
江樓清景添惆悵孤帆昧去留寒波與衰草  
萬里信悠悠悠悠

遊赤壁

黃泥坂下樹冥濛石色楓林相映紅  
倚郭亭臺齊入畫臨江巒岫若浮空  
洞簫何處催斜照孤鶴無

心掠短篷千載扁舟風月笛清遊誰復繼仙翁

九日漢陽旅次懷吳尊彝在薊門

碧雲吟斷送斜暉幾載相思兩地違江漢孤舟歸  
未得荆高舊侶信偏稀蕭蕭節序黃花老歷歷關  
河白雁飛強欲登臺舒望眼天涯霜露濕秋衣

襄陽曲三首

可憐大隄女花艷不知名嬌歌伴估客能按玉柱  
箏

可憐襄陽兒三五高陽池銅鞮歌未足還有播摺  
詞

送歡桃林岸別歡魚梁洲悠悠江水深是儂雙淚  
流

習船聯句

漁具譜松陵

錢唐戴廷  
熿綸長

瑣細難盡悉排習截衆流

吳縣吳  
翀在揚

坐獲利饒溢云何方俗殊

仁和李汪  
度受之

巧便

創新術往來惟以船

鳴盛

提挈利用繹構架藏機牙

廷熿

張捕投沕滴頂懸翠竹環

翀

底結銀絲密平支

二弓交

汪度

高擎一面出目細難逃

鳴盛

鱗觸知隙

室倔強騰有神

廷熿

撥刺勢已失慘澹置勿庸

翀

琴

省滿可必喧喧陋柳鳴

汪度

戢戢論斗率得穴何待



丙鳴盛作羹定去乙下酒給于鮮廷泥飲笑乃啞我

儕倦風塵州秋思轉蕭瑟設鱸慳姜侯汪挺又詠

韓律會須學漁蠻鳴煙波泛家室廷

假玉杯聯句

世抱荆璞泣廷燕石久相假耀目競璨瓘州充貨

到杯葦晶潤匹截肪汪圓肉類合瓦頗費雕琢工

鳴亦受醪醺瀉大小戶分曹廷雪月賦共把行當

埒賓筵州匪直炫里社居然貌温其汪莞爾笑識

者真棄贗乃收鳴磻多玉斯寡裹以重錦綈廷盛

之文梓檟混淆目比珠州髣髴鹿指馬物情但好

似度論品肯居下一粲攜歸裝鳴從眾吾其且廷

紅葉聯句

秋帆凌漢川清淺水失泮翀啖啖翻寒楓亭亭似

麾幢鳴枝看改舊綠葉乃露新絳翀爛熳奪春葩

殷鮮照深巷鳴攢叢接飛霞浮彩映落虹翀硃砂

散塗抹珊瑚碎擊撞鳴飄來波亦明染出霜乍降

翀逝將返故林歲晚守迂春鳴

打稻聯句

場圃因時築霜天刈穫皆廷勅牀分戶設墉櫛逐

村排翀耦立重重舉齊聲廷恹恹諧江呼羣喜鶯鳴

策力競兒娃

盛鳴

白汗沾衣結花兜裏髻釵

廷熿

頭揚

頻見掉手運遞為义

神

已脫將臨碓全除肯棄藍

汪

紛紛餘粒墮撲撲積薪挨

盛鳴

地燥乘晴日芒枯

捲疾颯

廷熿

量時珠顆滿堆處寶光佳

神

人有遺銖

利家供納秸藁

汪

自膺田峻喜不慮里胥差

盛鳴

飯

熟香盈甕筍成釀似淮

廷熿

服牛牽碌碡迎虎踏芒

鞋

神

驅臘行將及汙邪祝自偕

汪

江鄉景可繪客

眼看還措

盛鳴

學稼情真愜為農願未乖

廷熿

但安耕

鑿穩何惜姓名埋

神

風物詩人紀田園客子懷

汪

石湖遺句好相約返荆柴

盛鳴

分詠得市燈

未罷江村市微茫遠火生過橋人影亂入夜酒帘  
明岸角籠煙出樓頭帶月清漸聞街柝響舟泊欲  
三更

得村燈

吳翀

黃葉村邊過熒熒入望中籬疎明遠近犬吠辨  
西東影帶風林動光侵月渚空從知農事畢夜  
語一篝紅

得桅燈

戴廷燿

一岸停官舫高懸照水燈帆檣風色迴旌旆夜

光增月映搖還定星聯降復升  
低篷擁被客滅燭思曹騰

得漁燈

李汪度

夜火掀篷見蒼茫楚澤過風生  
光不定月墮影偏多忽聚黃蘆岸  
遙明白板波低徊故鄉憶湖上聽漁歌

述感

渚清沙白偶登臺城闕秋生夕照催  
醉裏高歌雙鬢在愁邊畫角數聲來  
側身天地長爲客抱病風塵孰愛才  
卻憶故園三徑好扁舟須趁早春迴

西莊始存稿卷六

西莊始存稿卷七

古今詩 登樓集

江陵樂三首

江陵路三千來往盛行旅郎愛撐獨篙儂愛搖雙櫓

高帆健如馬對面不得應朝來發白帝日暮宿江陵

連檣估客舟齊泊沙頭市相邀宴高樓作使江陵伎

梁元帝廟行

青絲白馬圍臺城湘東萬騎歸江陵枕戈嘗膽徒  
虛語行師代景紛相乘長沙旣破同氣盡才子併  
命殊堪矜夏口已聞肆魚肉荆門復見除股肱胡  
豆洲前狂賊死登壇慷慨稱中興羣僚累表頌符  
瑞爭誇紫氣交環緱當時文軌僅千里郢都蕞爾  
良難憑如何建業不復顧欲取荆楚當殺澗殿中  
輟講寇已至枇杷門外愁雲凝龍文玉軸一朝毀  
拔劍擊柱空摧崩何年廟食尚遺迹三楹茅棟連  
溝塍殘碑蒼蘚巫覡斷無復社鼓來齶齶嗟哉章  
華亦漫滅况乃此地荒榛芳行人下馬一憑弔興



亡過眼如風燈

月

三千里外月一十二回看此夜流輝滿仍憐獨客  
寒方諸隨淚盡破鏡欲歸難念爾南飛鵲爭枝亦  
未安

發江陵

一鞭曉出郢亭西雲色煙光極望迷臨水長隄秋  
草綠背城村舍午雞啼瀟瀟雨濕沙頭市渺渺帆  
歸燕尾溪僮得郊園千樹橘便堪穿徑結幽棲

峽中寄遠二首

縹緲陽臺隔九疑楚峰十二碧參差鷓鴣啼遍黃  
陵廟腸斷空灘落月時  
漂泊真憐汗漫遊五湖煙景滯歸舟淚痕卻似嘉  
陵水長繞巴江碧玉流

虎牙灘

前日過銅柱今晨望虎牙性命付孤舟急灘紛若  
麻江東湍漸怒轟轟走鳴沙亂石森牡齒揭天虎  
口呀懸流觸石轉百折飛浪花有時噴淖起水石  
相豁訝斗蠹一間屋盤作千尋窪俯愁裂坤軸仰  
見側日車偶與齋俱入便闖龍伯家柁師工撒換

凝竦不敢譁狎恰已出險身手良可誇桅燈步頭  
艤旅鬢悲鬢鬚饑寒真有力迫我輕三巴

十二碛

我帆拂宜都西上江愈窄懸流射水府喧飀動地  
脈未躡三峽尾已見五龍脊巴山何怪偉巉巉積  
鐵色向江疑奔趨背江若崩坼獨立旁無依競起  
勢相敵如婦頽髻髮如士操劔戟如鬼欲搏人如  
鳥忽墮翻如粟堆困箱如屋建瓴甌圓如挂金鉦  
方如排綺席橫如聯行陣直如削刀尺整如布溝  
隴碎如疊摺襞坳如匏作樽突如蓮破葯重重互

掩蔽朗朗各分析飛梁架空青深洞穿虛白約數  
得十二荆門此盤扼磔碗多殊形有語窮刻畫聞  
昔黃牛神治水佐禹力云何作遊戲輦聚千萬石  
壅激成驚湍往來怖行客孤舟犯波濤遠望淚橫  
臆何當呼五丁試手鏟絕壁

蝦蟆碚

峽山多異狀此碚尤怪竒爬沙金背蟾高坐張其  
頤可憐腳手鈍終古江之湄何不隨姮娥飛傍桂  
樹枝婆娑玉階側清光分半規老兔操杵白妖墓  
技安施一朝化爲石蹒跚任支離飲江江不盡饒

吻流涎垂水簾出神漢活碧搖淪漪繫舟聊試茗  
颯颯江風吹

宿下牢溪

酸風苦霧暮江昏急碕驚灘怒浪翻孤客聞猿宵  
墮淚居人畏虎早關門三遊古洞空遺迹四品名  
泉孰細論愁絕結荷燃楚竹天涯真有未招魂

荆南發舟溯江抵夷陵即事述懷寄琴德  
來殷一百韻

萬里身爲客三年跡屢移風塵看老大湖海足艱  
危暮節冰霜慘荒城草木衰將浮夏首櫂初別渚

宮湄世事蓬飄日生涯梗泛時書籤慵不理藥物  
病相資冉冉檣烏颺飛飛塞雁隨回瞻一柱失遙  
指下牢期間渡招釅父揚舲信檝師高岑蔽荆闕  
古縣入松滋山市戎戎暗溪流泯泯遲層巖攢橘  
柚淺渚曬鷓鴣傍水侵星宿凌晨斫竹炊浮踪方  
浩蕩前望益逶迤聞說丹陽道還從勾亶遺細腰  
誇婀娜長鬣笑騎貍苔沒孱王塚煙迷故國基圖  
經紀熊繹井邑問鳩茲岸轉翻紆曲峰尖露險巖  
九迴巴字繞百折峽形竒亂石灘橫斷驚沙雨倒  
吹嶄崑多欲落白勃忽相持百丈牽難上雙厓隋

莫追濤頭裂地起燒火入雲疑處處菁茅暗叢叢  
箇籜垂虎蛟饑掉尾龍鯉怒揚鰭林黑楓人出沙  
昏蟻弩窺畏途何偏側顧影獨嗟咨南紀程初到  
西陵纜乍維獠亭詢舊址埤竈讀殘碑勝地標雄  
鎮空舸倚峻埼嶂開芒似戟嵐簇黛成眉懷古興  
憑弔披襟眺渺瀰秦灰餘泱泱楚望躡屣屣尚想  
英雄輩都非豚犬兒孫劉紛列戍遜抗各登陴復  
漢情徒切吞吳計竟隳呂蒙營在否步闡迹留斯  
折鏃沉荒壘遺墟蔓碧落蒼茫通越雋空翠極巫  
夔宛宛黃牛像冥冥赤帝姬雨雲連旦暮十二碧

參差怨入女嬃杵魂傷正則纍蕭條魚子國寂寞  
竹王祠延覽窮今古句留慰旅羈壺公聊賣藥巢  
叟自依枝郡廨鄰鮫室人煙混島夷座隅防見鵬  
牀下任支龜草草謀高枕匆匆亦插籬辭家同士  
燹懷土類鍾儀祖竹編烝汕王魚供朶頤綠蘿谿  
路好椒紙土風宜亦有紅蓮稻非無紫色梨猪肝  
雖累俗蟲臂豈謀私卧聽吟蜻蛚醒聞賣蛤蜊且  
首劔開匣判倒酒盈甌蜀魄催歸去江萍解渴飢  
自憐心欲折漸見鬢添絲往日殊堪惜回風愈可  
恣遂多哀郢作更擬卜居辭漫動懷哉歎終愁和



者誰故園誠可念二子最相知意氣行衰矣關河  
况間之雲停多悵快月落重吁嘻每憶膠投漆真  
如鍼引磁招要來白室晤語到緇帷素願甘蜚遜  
高情恥嚙呿藏山方號璞斷尾憚成犧暗室還交  
勗垂堂亦互規由來盟道義不擬逐喧卑石壁探  
書庫珠囊理易旗竒文當秘寶妙理作良醫共抱  
栖元志俱懷避俗姿討春常把臂選勝湖涼颺雪  
霽探茶磨朝晴過劔池中峰窮竅窳口泛淪漪  
遇寺尋支遁逢溪訪戴逵聯牀同話雨把酒便論  
詩刻得五分燭彈殘兩路棊但欣長邂逅詎解暫

睽離更愛松毛屋斜臨扈瀆涯比鄰曾訂約卜宅  
最堪怡牖藉枯藤縛橋因卧柳爲秋原開吉貝夜  
籟走彭蠡估畫師懷瓘煎茶仿季疵何妨餐野菊  
兼可摘神芝一自辭鄉國反教走路岐行行莽牢  
落望望感淒其登筮何由接津梁已久疲頻看締  
葛換數睹兎華虧白馬吳門影烏蠻楚塞崖那無  
平子歎自發伯鸞噫念爾今離索祇應守默雌饑  
鷹垂翅伏老驥帶瘡羸僕輒嫌夫孺童偏笑叔癡  
怪來違尺素好在舊茅茨偕隱能如是耦耕俟我  
而行當拂衣去欣見挂帆歆望遠憑鱗雁臨風擷

荏蕪合并堪計自先爲寄相思

夷陵遠望

古戍標荆塞危城見蜀津雲移三峽暮江接百蠻  
春行役何時已音書總未真登樓欲有賦感激獨  
傷神

月

昭君村畔月還似漢宮秋近水清輝滿當天素魄  
流徘徊掩蘭燭悵望下簾鉤何處吹蘆管呶呶攬  
客愁

懷鄧尉

輕嵐淡靄映湖光回首清游興未忘一徑松陰秋  
入畫三層水閣夢生涼風帘雲碓宜晴日礪草巖  
花出異香惆悵軟紅欺客袂幾時洞口結書堂

曩與商寶意定交吳門卒未入楚聞其赴  
官施南不得往晤寶意旋以近著寄示即  
用卷中感舊韻卻寄四首

邂逅曾題吳苑襟空園十畝五湖陰倒囊快誦斐  
然作接席因知靜者心南楚北燕羈旅慣春鷗秋  
蟀別離深相思莫訝飛沉絕感激難忘是賞音  
一辭華省縮符行瘴雨蠻煙觸目驚頓遣炎荒留

好語未緣簿領損高情巴童歌舞迎官騎楚客招  
要訂舊盟料得琴牀容坐嘯西山挂笏有餘清  
詞源浩汭自無邊髣髴新排長慶年遊戲何妨參  
變格波瀾終覺近前賢謫居更得江山助遠道休  
悲坎壈纏淡墨歎傾三過讀不辭燭跋夜頻然  
自憐短翅只卑飛三十韶華急景非技比屠龍難  
濟用工成刻楮定知希何時崔策遙相訪爲報區  
宏且忍饑搔首南天聊問訊亂山落日莽相圍

暮秋客感集杜句

秋盡東行且未回茫茫庶事使人猜蒼苔濁酒林

中靜風急天高猿嘯哀歲暮陰陽移短景一生襟  
袍向誰開舌存恥作窮途哭黃帽青鞵歸去來

宿仙桃鎮

沔水西來送楚舸佳名小市記仙桃聯拳宿鷺蘆  
中起的灤明沙浪裏淘農喜有年登晚秣客愁無  
賴托香醪挑燈默數經行處鴻爪平生信所遭

戲贈綸長

酣呼跌蕩少年場幾許風情老更狂愛鬪南朝金  
葉子鬧翻北調玉蛾郎弓衣織得傳詩句藤笈攜  
來檢藥方最喜合并湘漢側酒闌欸欸話歸鄉

郢中旅興同曠魯之作

荒江郢樹入寒煙  
萍梗孤蹤任播遷  
明月珮空神女迹  
清風臺說楚王年  
謀身自斷無長策  
學道終期謝世緣  
從此徜徉浮七澤  
釣竿詩卷興飄然

壬申元日

官閣梅花發清樽  
柏葉新仍爲千里客  
漸近二毛人倚杖  
看雲久悲歌撫劔  
頻椒盤思舊里望  
斷白頭親

江南曲

高樓臨江隈江船樓下開  
借問船上客恐從故鄉

來

武昌權歌三首

客船上武昌翩翩似飛鴉  
統如鼓聲起知是迴帆  
過

安西大船來津吏相逢迎  
野人小船來辛苦沙頭  
行

發船船官浦藏船鸚鵡洲  
悠悠西洲水望見武昌  
樓

登黃鶴樓

萬里江天煙霧開  
上頭棟宇鬱崔嵬  
荆門曉色當



牕盡湓浦春濤繞座來終古白雲餘斷靄數聲玉  
笛落殘梅茫茫人代銷沉去拍檻狂歌思轉哀

彭湖晚泊

黯淡平湖暮春波漲遠空亂帆楓岸火細雨鱖魚  
風九派身猶滯三江路欲窮明朝望匡阜留賞莫  
匆匆

小孤山二首

小孤山色對彭郎綠黛青螺望渺茫千頃宮亭湖  
似鏡朝來鬢鬢見新妝

霧閣雲牕碧四圍天風長拂六銖衣一春夢雨飄

蕭處惟見神鴉接飯飛

牛渚晚泊

詠史當清夜誰逢謝鎮西徘徊風露下江月向人  
低

雨泊江岸登天門絕頂

我從南楚浮歸舸中流浩蕩乘長風布帆高挂似  
飛鳥飄翻直指天門東插江翠壁相對出遙見突  
兀青濛濛削成疑是巨靈掌移置定出夸娥功須  
臾雲起飛雨集白頭怒浪掀孤篷舟師相呼入浦  
溆繫纜急傍菰蘆叢興來便攜九節杖思縱遠目

開心胸潺潺絕澗蹋亂石層層仄磴攀枯松振衣  
千仞發長嘯驚起鷓鴣盤高空峻嶒兩崖勢忽斷  
岷濤萬里流當中始知楚關此天險屹立一鎖洪  
波衝是時陰霞散晚霽江光隱見磨青銅欲從牛  
渚呼謫仙更向青山懷謝公東望石頭互虧蔽迢  
迢天闕排龍從興亡六代付逝水人寰刺促悲安  
窮終當挹取玉漿飲上吸倒景騎飛龍

歸至金陵暫憩燕子磯清江院

虎牙銅柱倦登攀無恙孤帆此日還遠夢尚驚三  
楚浪舊遊重看六朝山蕭條行李誰知己濩落風

塵損壯顏愁絕白門楊柳色應同  
庾信賦江關  
黃天蕩夜行遇暴風舟幾覆

難憑忠信問靈胥幾向彭咸賦  
卜居命托烏篷何  
地穩夢迴魚腹此生餘十年袂濕唐衢淚四海途  
窮阮籍車出險驚魂重說險誰家飽飯在田廬

真州城外作

擊汰揚舠下石頭白沙亭畔暫維舟  
桃飛紅雨斜  
臨水柳縮青絲故入樓已悔遠遊勞  
馬策合將心事付漁鉤  
明朝揚子津邊渡相望家山足散愁

舟次蕪城月下聞笛

遠客辭巫峽歸帆一葉輕  
春江花月夜獨宿廣陵  
城水調愁何極金波暗欲傾  
竹西歌吹好偏作斷腸聲

登金山二首

振策金鼇背上行江山極目勢崢嶸  
層層彩翠空中落片片雲霞檻下生  
萬里岷濤疑震蕩九枝海日自分明  
憑高長嘯臨無地吹出天風玉笛聲  
涵虛傑閣削芙蓉更向留雲策瘦筇  
洞口煙蘿浮玉鏡上方仙梵荅魚龍  
江天自昔傳高詠海嶽他年溯舊蹤  
便欲紅顏生羽翼三山浩渺足追從

歸舟

江海三年客扁舟指舊鄉  
欣聞吳語近轉慮石田  
荒夜火錢門市春潮郭澤塘  
妻兒計程待知己具  
壺觴

西莊始存稿卷八

古今詩 還山集

還家即事四首

鳥雀柴門噪歸人  
罷遠行牽裾他日恨  
置膝此時情力養  
嗟何有幽居計未成  
還須謀半菽荷鋤及  
春耕

蓬鬢荆釵婦羈離見汝難  
愁來停織素書到勸加  
餐萬里征衣卸三年客  
淚乾鹿車曾有約井臼  
能安

吾道甘從拙人間底事無  
雞蟲空得失蠻觸任喧

呼陸賈金仍罄陶潛徑已蕪舌存聊慰藉不復計窮途

大瓠真無用勞薪祇自憐狂思餐玉法貧索作碑錢竹映開殘砌牀空理舊瓊朋交肯相過剪韭話

燈前謂琴德來殷

自題楚遊吟稿

三湘七澤感羈離憂患餘生兩鬢絲比似當年孫

學士篋中剩有未申詩

吾鄉孫先生致彌以康熙辛未壬申二年坐累頌繫

賴聖祖察其誣復原官擢至侍讀學士其詩名未申集子遊楚中亦值此二年旅况艱辛有窮途

之戚歸次金陵向晚行至黃天蕩忽遇狂風簸蕩怒浪中自必覆溺至曉始達儀徵其所遇危困



與先生  
相等也

爲吳企晉題秋江歸興圖

吳郎逸氣今希有  
往往新詩滿人口  
醉後高歌神鬼驚  
狂來擊劔蛟龍吼  
一朝作吏別鄉關  
刺促何時得解顏  
悔拋猿鶴牽微祿  
每話尊鱸望故山  
故山煙景何駘宕  
藥闌花徑都無恙  
向禽五嶽憶前期  
求點中年有微尚  
皖水迢迢趣放舟  
探竒應指謝公樓  
天邊楚水楓林暮  
夢裏吳江芳杜秋  
秋風寂歷寒江樹  
接羅紗帽隨鷗鷺  
宛似陶潛歸去來  
相逢梅福幽棲處  
示我秋江歸興圖  
開絨粉墨遠

糝糊玉簫金管中流好隱几揮毫底事無我亦天  
南浮短楫涉江直溯空舫峽萬里誰憐客思孤片  
帆祇覺歸心愜故園耕釣足平生石室銀房相向  
明與君鼓枻滄波去始信巢由無世情

谷水垂綸圖歌爲琴德賦

吾兄磊落非常儔蕭然窮巷百不憂忍饑誦經銷  
歲月閉門覓句工雕鏤草堂前對谷水流紅泉碧  
樹蒼山浮有時散髮扣舷去狂歌一曲凌滄洲竭  
來金閭數相見平生知我甘窮賤吹簫擊筑多故  
人十千沽酒同歡宴酒酣起舞首自搔當杯心共

孤雲高丈夫生世不諧俗便當湖海終藏逃故園  
况復堪吟眺鏡裏晴嵐滿雲嶠扁舟已息漢陰機  
短筇將隨任公釣偶然遣畫垂綸圖撈蝦射鴨皆  
可娛嗟我落拓胡爲乎北燕南楚空馳驅蒼茫葭  
菼平波外何日相從陸瑁湖

贈惠定宇

空谷斯人在歸山獨下帷窮經惟復古守道不干  
時洞擬題三詔詩應續五噫我來因聽講長與白  
雲期

贈趙升之

西莊始存稿

卷八

書劔飄飄白髮侵故人邂逅得開襟閉門好著潛  
夫論擁鼻還成洛下吟命駕相從感知已耦耕何  
日遂初心黃筍一曲時爭賞莫遣輕彈太古音

同沈歸愚先生翁朗夫周欽萊顧祿百朱  
吉人沙斗初朱適庭吳企晉趙升之蘇顯  
之曹來殷家琴德集城南聽松軒聽張崑

### 南彈琴

江關作客空蕭索筇屐相過且爲樂吹簫磨鏡多  
故人隨意招邀共絃酌松陰滿地凝層冰竹影入  
簾墮寒籜崑山人磊落士能向枯桐辨宮徵廣

陵清散不易聞抱琴忽復來吳市虛堂籟靜風襲  
衣練心戢志通元微低徊抑按轉寥聞徐拂商絃  
手乍揮楓林蕭槭縈煙霏素雪冉冉雲依依青蒼  
巫峽幽湍瀉寂歷湘波木葉飛迴絃換調彈角羽  
萬壑驚雷噴秋雨天馬空山意未平離鸞中夜鳴  
偏苦斯時主客各悵快四顧茫然絕心想我昔遠  
溯巴江湄冷雁哀猿雜竹枝章華月黑鬼語切陽  
臺雲暗灘聲悲金徽瑤軫寫未得沒和騷些多文  
辭今來一聽滄浪吟舊遊髣髴情難任嗚呼古調  
世誰識差喜數子餘知音還將園客絲中理遙契

成連海上心

懷匡廬五首

昔鼓九江棹遙瞻七嶺重空懷遠公社未踐羽人  
蹤招隱橋邊水棲賢谷外峰何時綠玉杖扶我入  
雲松

十八高賢後長留講誦聲巖樓陸修靜仙詠湛方  
生澗挹聰明味菴仍錦繡名蒼顏五老在魂夢愜  
幽情

聞說開先寺遙連三峽橋桓伊曾結托吳猛最消  
搖但得常餐玉何須有賜貂好攜鐵如意重赴虎

谿招

萬古黃厓瀑銀河落半天  
擘開青玉峽倒挂谷簾  
泉晴日蒼龍舞空林素練懸  
宗雷多道侶飲犢向巖邊

回首落星石湖光混太空  
雲迷天子鄣春老孟婆  
風圖書金箱在煙霞磴戶通  
君平定相笑容鬢已

成翁

豫章舊志匡俗字君平

自題禮堂寫書圖四首

十齡操管鬪雄豪轉眼年華到  
二毛準擬工園終  
養志早將寫定示兒曹

西莊始存稿

卷八

五

古文竒字有門庭北海司農實典型小說虞初從  
撥棄區區一意在尊經

鞍背船脣萬里賒歸來散帙恣搜爬腐儒活計雖  
寒乞一室圖書尚五車

馬癖錢兄各有營傳鈔聊足樂平生迂疎難入時  
人眼敢向文場學噉名

題王鳳喈孝廉禮堂寫書圖

長洲張岡崑南

當代經神擅衆長端居人比鄭公鄉映階書帶  
憐春草過眼年華畏夕陽詞賦共推新著作畫



圖真見古冠裳膠城不隔東南望他日抽帆問  
禮堂

又

上海趙文哲升之

盛漢二十葉卓犖多儒宗珠囊蒐采凡幾輩大  
成集者推鄭公三年扶風侍絳帳咨嗟我道從  
茲東鍼盲起痼括羣籍何獨三傳煩芟礪傳家  
七十按禮典趨庭有訓抒深衷自言名山抱餘  
憾日暮途遠悲匆匆文成百萬古未有如遊東  
序鏗鐘鏞想見禮堂競傳寫趙商張逸趨雍容  
已辰一夢忽千載徒令後死心怔忡王郎高步

起東海青箱舊學傳無窮蓬蒿聊爾隱仲蔚湖  
海誰復知元龍西莊一編振逸響朱絃疏越何  
淪淪平生讀書志經術恥逐下士誇雕蟲力攻  
僞書著從朔大航破冢羣疑空金昌亭邊一握  
手示我圖畫非徒工秀眉明目自軒舉意氣真  
有前賢風羣書徑思隻手定操戈入室將無同  
我朝八百應鴻朗蘭臺東觀高龍從諸經異  
同悉考訂一洗萬古雲霾霧兩京盛事詎足數  
直與三五相追從君才決起會有日未許終老  
空山中明堂典冊藉大筆百斛之鼎千鈞弓攝

衣抗手折五鹿鏗鏗伉伉驚凡聾歸事著述應  
未晚儒林百代淵源通登堂倘許問竒字江湖  
一舸來吳淞

贈內十首

子虛漫擬賦凌雲四壁蕭然硯欲焚秋雨茂陵人  
臥病彈琴閑對卓文君

十年負戴伴滄浪搵盡牛衣淚四行布袂蒿簪看  
不厭佳人難得是糟糠

明鏡朱顏祇自憐斷腸錦瑟送華年水天舊事從  
頭說一枕斜陽短榻邊

稻花香裏樹冥濛  
竹塢梅坪岸岸通  
長憶江村攜手處  
紙鳶燈影鴿鈴風

碧漢銀河小閣隈  
流螢幾箇墮蒼苔  
新涼絮語三更後  
小立仍歌起夜來

漂泊淮南歲月侵  
隋隄柳色正春深  
暮天飛起花如雪  
卻望江南傷客心

空房小膽劇淒清  
夜火荏苒事可驚  
記取寒衣縫未了  
矮牕重試紡車聲

上計翻教典嫁衣  
黃金臺畔掉頭歸  
迎門能作如皋笑  
敝盡貂裘亦下機

涉江直溯下牢關聽徧猿聲西塞間解唱風波公  
莫渡今宵剪燭話巴山  
偕隱心期已久虛打量一舫載圖書五湖煙水浮  
家去不把求官苦勸余

青浦張處士結廬先人墓側畫白雲廬圖

索題

夕陽黃葉接寒蕪風木蕭蕭丙舍孤愛爾硯池餘  
孝水自能和淚寫橫圖

高樓篇

高樓綺疏開繡戶自相屬中有嬋娟子容華世所

獨曉夢日三竿春遊裙六幅閑來弄丹鉛時或理  
箏筑笑金寧計千量珠應論斛昨宵媒氏來云有  
豪華族阿母欠端詳製我嫁衣服含意羞自陳蛾  
眉已暗蹙願此窈窕顏委身配凡俗

同琴德來殷過滄浪亭

滄浪亭子遠闌闌櫺櫺竹石安如山濯纓人去幾  
百載賸有野水流琤潺我來暇日問遺跡藤鞵栗  
杖窮登攀老木千章羃濃靄疎籬六枳緣荒灣牆  
陰縱步度危徇坡陀犖确高孱顏亭空無人俯寒  
碧溟濛玉鑑相回環淵注渟著清見底藻影浮動

沙紋斑跳波時聞戲魚響  
搖風亦有殘荷殷傍檐  
遙岑出復沒髣髴朶朶青  
煙鬟北碕精舍更可訪  
經聲粥鼓門常關還尋曲  
徑入蒙密不辭剝啄敲  
銅鑲摩挲舊物石枰在鷺  
鷺飛去殊蕭閑憶昔長  
史負竒氣詩筆追逐歐梅  
間無端騰謗便遭斥坐  
令幽桂遺榛菅禍機卒發  
洵可畏使我望古涕洟  
潛當年扁舟足嘯傲掉頭  
不受南陽板滄浪佳景  
天氣與一止一壑何曾慳  
我儕世網厭羈束欲將  
家具隨魚蠻此間高臥計  
亦得江湖野性同疎頑  
徘徊臨眺未忍去回首初  
月林端彎









柴扉草閣對秋江  
亂葉紅堆老樹樁  
讀罷黃庭無一事  
開簾嵐氣入西牕  
焚香掃地足徘徊  
試滄春旗活火催  
寂寞寒山人徑斷  
有誰扶杖過橋來

翁朗夫飲酒圖

先生抱道耽林泉  
先生下筆飛雲煙  
偶倩良工圖飲酒  
此中妙理忘蹄筌  
斐几無塵地衣靜  
方袍烏帽疑神仙  
蒲萄濃似鴨頭綠  
舉觴一笑臨風前  
鵠來中吳領吟社  
山遊水泛羅羣賢  
鷓鴣之杯鸚鵡杓  
四座鯨吸空長川  
先生獨醒不復飲  
忍寒默聳

山字肩自言三蕉輒醉倒戶小漫羨斗十千乃知  
醉翁不在酒寓意聊爾全其天平生抗懷千載上  
俯視人世空茫然畢卓劉伶何足擬前惟彭澤後  
青蓮

贈尤穆齋水部四首

玉壺風度重鴛行佳句西崑獨擅場帳殿曉趨賡  
韻捷戟門晝靜檢書忙聲華韋曲原無匹煙月吳  
山最不忘準擬相從頻載酒五湖深處和滄浪  
回首冰霜絕塞行謫居翰墨有餘清留連風月皆  
忠孝揮灑才華本性情詎止芙蓉映初日直看碧

海掣長鯨一編細把燈前讀病眼摩抄分外明  
官齋蕭寂似山龕性相元宗一味參問法祇應師  
點點忘言早自契三三拈來妙墨闍浮汁悟到空  
香優鉢曇取次梅花破殘臘幽懷恰向箇中探  
消渴空慙短鬢侵卻欣邂逅豁塵襟疎簾清簟銜  
杯話細雨檐花剪燭吟敢擬披圖成主客何當把  
臂入雲林十年憔悴江潭夢始見憐才一片心

偶題

騷雅原同祖齊梁莫漫輕少陵推小庾供奉似陰  
鏗

懷人絕句

長洲李碩夫處士

著有詠歸亭詩集

詠歸健筆最嶙峋  
短律長歌妙入神  
野史亭中如論定  
他年詩老屬斯人

吳江沈冠雲徵士

深於經義

經傳紛綸滿腹儲  
百川疏導得歸墟  
如何制作修明日  
不遣斯翁議石渠

常熟王次山侍御

白簡威稜凜似霜  
蘭臺筆札擅三長  
歸來松菊仍無恙  
好續風流拂水莊

長洲蔣迪夫太史

修郡志多  
蒐軼事

一脫朝衫臥稻塍生涯雪屋紙牕燈中吳舊事煩  
傳寫彷彿當年范致能

會稽商寶意郡伯

橐筆長趨清禁鐘一麾出守近廬峰藤梢橘刺交  
廳事吟對屏風九疊濃

嘉興錢坤一徵士

時客  
京師

仲文古調邈難攀燕市悲歌數往還此際討春應  
出郭瘦筇圓笠大房山

如臯姜靜宰孝廉

倦遊歸去掩柴門  
仰屋調饑大雅存  
自說撈鰕此

生足蕭蕭煙水白蒲村

靜宰所居

長洲惠定宇文學

紅豆先生子撰述最多又嘗注漁洋詩

紅豆風流啟後賢  
鏗鏗伉伉腹便便  
世人未得窺新著  
只愛漁洋有鄭箋

常熟邵荀慈太史

退食金坡逐勝遊  
匆匆驢券漫勾留  
虎坊槐市題襟處  
回首升沉動別愁

上海曹鴻書孝廉

京華旅食鎮相於  
顧我秋霖腹疾餘  
剩有好詩抱



山去故應同作暴腮魚

德清徐陶尊上舍

著綠杉野屋詩子絕愛其嘉靖齋壇茶瑣

歌一篇

兀傲詞場獨擅雄一篇茶瑣句尤工煙波茗雪溪流好輸爾孤吟漁笛風

青浦邵玉藻文學

青門一士愜心期谷水崑山話舊時今日西風遼海畔秋墳空唱鮑家詩

旅次對雪聯句

作客欣得朋

鳴盛

畏人但枯坐黯黯愁雲凝

長洲吳泰來企

晉稜稜寒意作槎枒古木撐青浦王祖琴德啁啾凍雀餓

六花舞檐楹上海黃文連芳亭四野洗堀堞試手龍公威

上海趙文哲升之啓塗玉妃佐灑空密復踈上海張熙純策時碾

塵揚更簸枯篁折有聲嘉定曹仁虎來殷老屋壓欲破割

面酸風尖鳴盛分曹酒戶大偏提有童攜泰來不托任

油沈韭芽糝吳羹昶蜜餌歌楚些食單列無多文連

清詩聊可和炙硯白戰酣文哲燒燈紙牕課句吟馮

耳埋熙純狂擬驢背馱我儕尚羈孤虎仁生涯益摧挫

今秋苦靈霖鳴盛連村壞秫稷窮子嗟無衣泰來勞人

憐孔癯所望宿麥登昶庶資春種播對景差足歡

蓮文稱瑞行當賀蝻蚰類盡殲哲文霜松樹頻裹一飽

諒可期純熙百憂豈無那宵分氣轉嚴虎仁交光冷侵

座漫畫同信天盛鳴寒號得且過素心幸對牀泰布

衾各僵臥飛夢尋江鄉祖細梅拆千箇蓮文

九穆齋載酒招遊鄧尉探梅

溪雲林靄望中移曉起推篷面面竒閑客正宜無  
事飲幽花偏愛半開時水邊煙動浮空影籬外香  
來露瘦枝最喜謝公吟力健芒屨更擬續前期

元墓看梅

春山過朝雨翠色纔半露舍舟理輕策遠向煙中

去溪澗何逶迤幽尋屢多誤行行梅花林掩映出  
千樹殘凍猶未消冰雪破寒沍山靄雜花光濛濛  
不知處微聞幽香來獨立還久駐

憩萬峰寺

尋山不厭深遂造林間寺閑房無人來苔蘚生滿  
地曲折上高閣遙見湖波翠坐久聞寒鐘獨往轉  
幽邃偶然逢法侶欲聞楞伽字

企晉升之琴德遊鄧尉賦寄

筍輿粟杖縱登攀惆悵君遊我復還崦裏千叢花  
散雪閣中萬頃鏡涵山幽尋烏鉢浮嵐外遠挹青

芝淡靄間儻見故人題壁句和成相示一開顏

席上贈歌人四首

暖屋紅牙靜夜分  
寒簾爭舞鬱金裙  
十年載酒江湖客  
能向花前幾度聞

蠻鞞珠襉映羅襦  
綰髻塗妝意態殊  
絕似中丞筵上見  
梨園弟子李仙奴

三更絳蠟盡成堆  
絃撥仍教側調催  
聽水聽風渾不辨  
祇疑天上紫雲迴

花月歡場計總非  
傷春傷別夢依稀  
樽前多少天涯淚  
偏到聞歌易滿衣

送企晉之天都

春風搖艇入新安清絕遙連五百灘  
屈折松明尋古渡嶙峋小華問晴巒  
有時平地砂泉沸忽見參天石  
筍寒料得浮丘早相待好持絳節控青鸞

苦雨懷升之琴德往雲間

愁霖連夕結陰霞悵望分襟遠  
夢賒有約相過剪春韭那堪獨對落檐花  
五茸雲起迷遙嶂三泖潮平放短槎  
何日通波亭館裏對牀歌枕話天涯

飲蔣奕蘭宅

銀燭湘簾映綺寮主人投轄興偏饒  
小槽滴酒飛

三雅側調傳聲抹六么夜永未愁蓮漏急春殘先  
怕杏花飄明朝醉帽衝寒去又跨青驄折柳條

姚處士村居即事

濃綠陰邊溪路長攀林蹋閣恣倘佯平橋樹隱  
卍岡市細雨潮迴顧浦塘隔岸秧針齊刺水弄晴麥  
浪漸吹涼江村不厭勾留住隨意欹眠六尺牀

崑山道中

西鹿城邊碧幾灣樵風放舸足開顏綠江雨暗干  
家樹近郭雲埋一塢山蜻蛚自吟仍自止鷺鷥飛  
去又飛還何時小隱滄波上徑結松毛屋數間

夏日過石湖

蒼茫煙水失炎蒸，柔櫓輕帆興可乘。  
急雨過時千點鷺，野風涼處滿湖菱。  
橋通別浦晴雲合，影倒羣峰晚翠層。  
凝想昔賢樓隱地，江鄉幽興轉飛騰。

山中晚晴

一雨纔潑火，羣星亂撒沙。  
苔深澗戶寂，暗墮石楠花。

題友人別墅

斯人臥雲壑，十畝成幽居。  
不讀貨殖傳，愛鈔種樹書。  
齒齒石抽筍，泔泔泉鳴渠。  
何時劬靈藥，同把金



鴉勸

同琴德來殷復遊滄浪亭

百頃風潭草樹濃  
石棊盤在有遺蹤  
好攜北郭詩人伴  
重聽南禪煙外鐘  
日暝滿川喧驟雨  
檐虛寸碧出遙峰  
釣船擬約浮家去  
袂衲輕手自縫

晚過芙蓉湖同琴德來殷作

輕舟如葉趨蓉湖  
湖寬匹練光平鋪  
虞淵日落懸火珠  
遙天四合紅霞敷  
急槳劃破琉璃壺  
霜風獵獵翻菰蒲  
鷗鷺鷺鵲鳧得魚意  
與漁人俱湖心老翁白髭鬚  
縛茅堅坐誰爲徒  
此景志和天隨

無少焉皓月升東隅銀宮貝闕開仙都姮娥跨蟾  
凌波娛冰肌雪骨凝脂膚光射燿燿驚天吳乍離  
乍合神姿殊晶瑩盪激輝迎矚船頭賞玩容跣趺  
清露夜滴衣裳濡拍手大笑相喧呼我曹漂泊流  
光徂結荷水宿羈長塗幸偕冷伴忘飢劬睽孤乃  
得逢元夫榜人解事傳巴歛爲我舵尾炊雕胡圻  
泥倒甕澆腸枯好景得句追亡逋夜久月黑雲糝  
糊細認港汊停征艫合眼有夢凌夔巫

時予自  
楚中歸

### 長橋玩月

長橋五十三虹影浮鏡面一橋月一鉤奇絕珠一

串

舟中夜雨

倦柳衰荷易颭風  
荒江嘹唳斷征鴻  
可堪酒渴燈昏後  
幾陣淋浪雨打篷

題西陵女士方芷齋詩卷二首

掃眉不櫛有誰如  
香茗春椒灑翰初  
試仿簪花裁妙句  
寸縑堪敵百碑礪

西子湖頭面面山  
書牀鏡檻鎮長閑  
最憐吟思清如許  
翠袖天寒修竹間

追悼趙飲谷李碩夫沈冠雲諸尊丈

承平耆舊盛中吳，世外忘年得我徒。  
話雨相從臨頓里，尋秋並載女墳湖。  
少微已掩風流盡，蒿里空悲歲月徂。  
此日車過餘腹痛，獨將清淚灑黃壚。

和沈歸愚先生黃山四面松歌爲岡齡弟

賦

岡齡能事寫古松，尺幅蟠屈雲嵐重。  
寫松好好松有松，癖種松愛翫綿春冬。  
我來郭西忽相見，階前刺眼奔乖龍。  
香泥細護大邑盜，森然黛色成煙叢。  
槎枒蚴蟻周四面，嘉名新錫歸愚翁。  
細看松根裂石罅，罅罅松色乃與石色同。  
松耶石耶兩竒絕，彷彿造化

寧人功主人爲言移致處乃自黃海仙壇中軒轅  
鑄鼎未成自此松已自盤龍菴昔賢五鬣詫異事  
未若四面標靈蹤他年與君騎紅鶴茯苓同煮丹  
臺峰

蘆花次蔣升枚韻

離披一片澹秋煙卻趁西風作意顛亂舞斜陽疑  
撲絮閑飛野岸忽堆綿銜來雁度清霜影吹去船  
依淺水邊我亦天涯蓬轉客飄零共爾一淒然

香櫟次徐寧寰韻

別種江鄉重橘田山家爭摘晚秋天黃團繫處香

偏遠白定裝來品自妍每到嚴寒封蠟蒂最宜遙  
夜伴茶煙笑他兒女誇新樣綵縷低懸斗帳邊

龍南廖君楚崖令嘉定出所著詩集見示

題贈二首

西江宗派幾家分管領湖山併在君春水一蓑吟  
釣雪秋嵐兩屐醉穿雲細繅冰繭心良苦清映芙  
蕖格不羣何日金精峰下路相從拄頰共朝曛  
騎竹兒童喜欲顛爭看露冕向江天神君共說兼  
慈父才子須知本散仙吏放早衙琴有韻鶴調小  
閣月初圓風流茲日誰能似美政應同好句傳

寒夜同吳企晉趙損之曹來殷沙斗初朱  
德基家存素琴德集岡齡弟停雲齋分得  
靜字

江村農務罷無事動清興素心偶相邀訪舊入幽  
徑夫君敦雅懷圖史寄閒靜點筆寫雲山意匠入  
神境濁醪時勸客沉醉不願醒須臾初月升轉見  
水竹淨攜手步霜林松雪翠相映茲樂良難期共  
和滄浪詠

客舍同琴德夜話

摩天黃鵠竟誰依逆旅相看萬事非白社逃名歛

西莊始存稿

卷八

五

有伴青燈感舊意多違愁聞故宅荒松菊苦說耕  
農有旱饑今夕酒闌重不寐細論身世各歔歔

西莊始存稿